



UNIVERSITÄTS-
BIBLIOTHEK
PADERBORN

Universitätsbibliothek Paderborn

R. P. Ludovici Richeomi Societatis Ies. Valedictio Animæ Deuotæ

Richeome, Louis

Coloniæ, 1610

Mortem cum præparatione metuere, prudens vigilantia est, & verus
modus eam vt intrepide præstoleris, & demum victor illius euadas. Colloq.
XXX.

[urn:nbn:de:hbz:466:1-50753](https://nbn-resolving.org/urn:nbn:de:hbz:466:1-50753)

*Mortem cum preparatione metuere,
prudens vigilantia est, & verus
modus eam vt intrepidè præstoleris,
& demum victor illius euadas.*

COLLOQUIVM XXX.

THEOL.

DIC tu mihi nunc amabo, quid
facturus ille est, qui sapenti-
merò momēta istius rei exa-
minarit, & ob oculos sibi posuerit,
nisi vt anxie & vigilāter iter arripi-
at, nunquā vt in eo cespitet, nunquā
impingat, nunquam in via tam bre-
ui labatur, quæ ex carceribus vteri-
materni vsque ad sepulchri metas
porrigitur: ne ex improviso à latro-
ne illa occupatus opprimatur, quæ
continuo clam illi iugulum inua-
dere molitur? Si quispiam in horas
singulas inimicum suum præstola-
retur, an tu eum securè super lorica
dormituum esse existimas? At nos
quolibet momento mortē expecta-
mus aut saltē expectare debemus, an
ergo quidquid impedimētōrū est nō
remoturi sumus, non arma, compre-
hensuri? an eam non formidaturi?

hoc est ne nos opprimat, ne imparatos ad rebus humanis emigrandum inueniat? Nec tu mihi verò timorem hunc ignauiam interpretere, sed sanctam, sed fortē, sed religiosam prudentiam: qui enim Praefectus belli aut Capitaneus istiusmodi est vt armis suis noctu & interdiu hostem praetoletur, hic demum reuera prudens & magnanimus existimatur. Iphicrates Atheniensis laudatissimus Imperator pacis etiam & induciarum tempore, imò amicos inter ac necessarios propugnacula extruebat, excubias agebat, speculas occupabat, & reliqua omnia defensionum militarium capita accuratissimè tractabat & exercebat, non aliter quam si vndique periculis vallaretur, & hostibus cingeretur; cumque ex familiaribus suis aliquando non nemo sciscitaretur, ecquid timeret, respondit, ne ex improviso inuaderetur, & aliquando eò res suae prolaberentur, vt ad triuiale illam malefactorum hominum excusationem confugeret, id futurum non suspicabar. Apollonius in hac vitae pugna multò quam

*Dictum
Iphic. ex
Plut. de
dictis
Reg.
Imperat.
bonus sō
per excu-
cubat.*

*Non cogitavi,
communis im-
prudens
tum excusatio.*

*Mat. 24.
45.*

quam exercitatissimus nos exhortatur dicens: *Cum timore salutem vestram operamini*; id est, Aduigilate, timete, aut potius in timore uiuite, ne in extremo die intercipiimini, & Deū offēdatis. IESVS CHRISTVS supremus Capitaneus qui omnium victorissimè è ventre matris ad mortē decurrit, sæpenumerò Apostolos & Discipulos suos docebat, & per eos vniversum genus humanum dicens: *Vigilate & parati estote, quia neq; diem scitis neq; horam*. At vide mihi nunc hoc loco sit rem admodum mirabilem, præparatorium videlicet metum istum insignem animi magnitudinem cōtra mortem generare: cuius quidem rei etsi innumera exempla sunt, nos tamen ex maximo eorum cumulo que illustriora sunt in rem præsentem adducemus. Author est Ruffinus in

*Ruff. Vit.
PP. Pal-
ladi⁹ vi-
ta 19. &
20.*

Historia quam de Vitis SS. Patrum conscripsit D. Macarium Alexandrinum adeò felices in hac schola progressus fecisse, nullum vt in se mortis aut diaboli proauis mortis horrorem experiretur: nam eam qua-

quadam vice à nocte in deserto oppressus alio diuertere non posset, in sepulchrum se abdidit, vbi meditationi mortis impensissimè vacans ac somnium capiens, mox strepitum & collisionem ossium à diabolo excitari sensit, quantam præter eum nemo perferre potuisse videatur: at mansit ille tamen, neque vilo modo hospitiò se expelli ferens, fortissimus athleta tres hostes terribiles, Mortem, Diabolum, Noctemque contempsit. Iam de Philotomo Sacerdote Galatino narrat Palladius adeò firmo eū robore cōtra mortem polluisse, sex vt ipsos annos in sepulchris agere nō dubitarit. An ergo illud etiam iam non dicere posse videmur, hominem hac mortis meditatione tantum virium, roboris, ac neruorum sibi acquirere, vt de morte victoriam referat ac triumphum agat? Etenim cum nunquā non paratos, à peccatis perpur-
gatos, ac virtutibus armatos inuenit, naturam quidē terrefacere potest, de medio tollere, corpus eripere, spolio hoc gaudere, at iisdem
animæ

*Palladius in
Vitis Pa-
trū Vis.*

113.

*Mors cū
paratos
inuenit,
nocere nō
potest.*

animæ nostræ portam & aditum ad
 cælum facit, & ad restituendum no-
 bis corpus nostrum solutum mortis
 legibus, immortale, & triumphans
 obligatur. Nunc quemadmodum di-
 ligens illa preparatio hominem im-
 perterritum facit, ita è contra igna-
 uia nimio quantum pusillimum
 & ultra modum reddit meticulo-
 sum: atque hinc omninò est, quod
 qui eiusmodi sunt, solo mortis no-
 mine audito terrescant, palleant &
 contremiscant, non aliter quam si
 lupum ex improviso conspexissent:
 itaque nunquã de ea sermonẽ insti-
 tui, nũquam de Paradiso etiam ver-
 ba fieri volunt, ne fortè mortis mē-
 tione immixta eam cæli portam esse
 asseratur; vnde meritas omninò ig-
 nauia suæ pœnas luunt, ac quanto
 propius ad mortem accedunt, tanto
 abiectiores, segniores & infirmiores
 ad illius impetum sustinendum ef-
 ficiuntur. Sequitur nunc magnani-
 mitatem ac fortitudinem illam al-
 ter fructus qui ex consideratione
 ista promanat, videlicet odium ma-
 ximum, quo peccatum non modo

*Consid-
 ratio
 mortis c-
 diũ pec-
 cati ge-
 nerat.*

exe-

execramur, sed etiam effugimus ac
 deuitamus. Dum enim illud latere
 nos non potest peccatum mortis
 causam esse, ac tātum etiam in mor-
 te horrorē inesse cognoscimus, col-
 ligimus planè, & confectarium esse
 arbitramur, peccatum mirabiliter
 enorme esse oportere, cum effe-
 ctum adeò foedum sit ac metuendū,
 planè vt ex fructu malo arboris
 malignitatem metimur: sicque cog-
 nitionem effectus & causati assecu-
 ti, odio mirabili in causam ferimur,
 & peccatum, cuius turpitudinem in
 morte velut in impressa imagine
 contuemur, execrantes sancta & re-
 ligiosa iracundia stimulamur ad id
 oppugnandum penitusq; profligan-
 dum: sicque spirituali quodam mo-
 do Moysen imitari possumus, qui
 cum Deo præcipiente serpentem
 cauda apprehendisset, protinus eū
 in virgam trāsmutari, illam tot mi-
 raculorum postea ac rerum stupen-
 darum effectricem, & reapse vnicam
 Pharaonis domitricem. Serpens nā-
 que iste peccatū significat, qui inter
 omnia animalia primum Sathanæ
 mille

milleartificis fuit instrumentum. Cauda verò serpentis seu peccati mors est, quia finis & effectū peccati est, caput autem ipse diabolus radix & origo peccati vniuersi: Serpentem ergo cauda tunc arripis & apprehendis, cū seridò mortis meditationibus incumbis, quibus adiuuante gratia Dei, qui eam arripere nos iubet, in virgam mirabilium operatricem conuersis, spiritualem Pharaonem Diabolum expugnamus, vires illius frangimus, ac regnū eius funditus pessum damus, & quod caput sermonis nostri erat, magnanimi contra insultum huius hostis efficimur, & postea quoque victores.

De causis mortis.

COLLOQVIVM XXXI.

PHIL. **T**ETIGISTI tu planè in hac dulcissima suauissimaque disfectionum tuarum harmonia atque concentu chordam pre reliquis, quam magnoperè pulsari